

სასწავლო პროცესის მარეგულირებელი წესი

I. სტუდენტის სტატუსის მინიჭება

1. აკადემიური უმაღლესი განათლების პირველ საფეხურზე (ბაკალავრიატი) ჩარიცხვა ხდება/ ხორციელდება ერთიანი ეროვნული გამოცდების შედეგების საფუძველზე; აგრეთვე უმაღლესი განათლების შესახებ საქართველოს კანონის 52-ე მუხლის მე-3 პუნქტის შესაბამისად.
2. სტომატოლოგიისა და დიპლომირებული მედიკოსის ერთსაფეხურიან უმაღლეს საგანმანათლებლო პროგრამებზე ჩარიცხვა ხდება/ ხორციელდება ერთიანი ეროვნული გამოცდების შედეგების საფუძველზე; აგრეთვე უმაღლესი განათლების შესახებ საქართველოს კანონის 52-ე მუხლის მე-3 პუნქტის შესაბამისად.
3. აკადემიური უმაღლესი განათლების მეორე საფეხურზე (მაგისტრატურა) ჩარიცხვა ხდება/ ხორციელდება საერთო სამაგისტრო გამოცდების შედეგების და უმაღლესი განათლების შესახებ საქართველოს კანონის 52¹-ე მუხლის მე-7 პუნქტის შესაბამისად, მხოლოდ სპეციალობაში გამოცდის ჩაბარების საფუძველზე;
4. რეზიდენტურაში ჩარიცხვა ხდება/ხორციელდება საერთო სარეზიდენტო გამოცდის შედეგების საფუძველზე;
5. სტუდენტის ჩარიცხვის აუცილებელი წინაპირობაა ადმინისტრაციული რეგისტრაციის გავლა დადგენილი წესით;
6. რეგისტრაციის დადგენილ ვადებში გავლის გარეშე სტუდენტის სასწავლო პროცესში მონაწილეობა დაუშვებელია.

II. უცხო ქვეყნის მოქალაქეების ჩარიცხვა

1. უნივერსიტეტი მისაღები კონტინგენტის ფარგლებში განსაზღვრავს ადგილებს უცხო ქვეყნის მოქალაქეებისათვის.
2. უცხო ქვეყნის მოქალაქეების ჩარიცხვა ხორციელდება საქართველოს განათლებისა და მეცნიერების სამინისტროს მიერ კანონმდებლობით დადგენილი წესების შესაბამისად;
3. უმაღლესი განათლების შესახებ საქართველოს კანონის 52-ე მუხლის მე-3 პუნქტით განსაზღვრული პირების უცხოენოვან საგანმანათლებლო პროგრამაზე ჩარიცხვის წინაპირობაა შესაბამის უცხო ენაში ტესტირების გავლა, ტესტირების წარმატებით გავლის შემთხვევაში სტუდენტი ერთვება სასწავლო პროცესში.
4. ჩარიცხვის წინაპირობაა უნივერსიტეტის რექტორის წერილობითი თანხმობა.

III. სტუდენტის სტატუსის შეჩერება

1. სტუდენტის სტატუსის შეჩერების საფუძველია:
 - ა) პირადი განცხადება (მიზეზის მითითების გარეშე);
 - ბ) უცხო ქვეყანაში უმაღლეს საგანმანათლებლო დაწესებულებაში სწავლა (გარდა გაცვლითი საგანმანათლებლო პროგრამის ფარგლებში სწავლისა);
 - გ) ორსულობა, მშობიარობა, ბავშვის მოვლა ან ჯანმრთელობის მდგომარეობის გაუარესება;
 - დ) ფინანსური დავალიანება.

IV. სტუდენტის სტატუსის შეწყვეტა

1. სტუდენტის სტატუსის შეწყვეტის საფუძველია:

- ა) საგანმანათლებლო პროგრამის დასრულება მოცემულ საფეხურზე;
- ბ) პირადი განცხადება;
- გ) ცალკეული საგანმანათლებლო პროგრამის მოთხოვნების შეუსრულებლობა აკადემიური ხარისხის მოსაპოვებლად დადგენილ ვადებში;
- დ) ერთი და იმავე სავალდებულო სასწავლო კურსის სამჯერ მოსმენა და კრედიტის ვერმიღება;
- ე) კანონიერ ძალაში შესული გამამტყუნებელი განაჩენით სასჯელის აღსრულებაში ყოფნა;
- ვ) ქცევის კოდექსის დარღვევა. სტუდენტისათვის შეუფერებელ და არაეთიკურ ქცევად ითვლება:
 - პლაგიატი - ნაშრომში სხვისი აზრისა თუ ნაშრომის ციტირება ავტორის მითითების გარეშე;
 - თამბაქოს მოწევა;
 - უხეში და არაეთიკური დამოკიდებულება, ძალადობა და შეურაცყოფა სტუდენტების, აკადემიური, ადმინისტრაციული და დამხმარე პერსონალის მიმართ;
 - შეფასების მიღების მცდელობა გამომცდელზე მუქარით, ფიზიკური ან ფსიქოლოგიური ზემოქმედებით, მოტყუებით, თაღლითობითა თუ სხვა დაუშვებელი ხერხებითა და ქმედებით;
 - უნივერსიტეტის მატერიალურ-ტექნიკური ბაზისა და ინვენტარის დაზიანება.
- ზ) გარდაცვალება;
- თ) სტუდენტის სხვა უმაღლეს სასწავლებელში გადასვლა;
- ი) სტუდენტის სტატუსის შეჩერებიდან 5 წლის შემდეგ პირს უწყდება სტუდენტის სტატუსი, გარდა კანონმდებლობით გათვალისწინებული შემთხვევისა. სტუდენტის სტატუსის შეწყვეტის შესახებ სამართლებრივი აქტით გათვალისწინებული სამართლებრივი შედეგები დგება ბრძანების გამოცემიდან თორმეტი თვის შემდეგ. დროის ამ მონაკვეთში სტუდენტის სტატუსი ითვლება შეჩერებულად და სტუდენტი უფლებამოსილია ისარგებლოს მობილობის უფლებით, გარდა იმ შემთხვევისა, როდესაც სტუდენტის სტატუსის შეწყვეტის საფუძველი შეუთავსებელია მიმდები დაწესებულების წესდებასთან.

2. სტუდენტის სტატუსის შეწყვეტის შემთხვევაში, მისი ხელახლა მოპოვება დასაშვებია კანონმდებლობით დადგენილი წესით.

V. სტუდენტთა მობილობა

1. მობილობის უფლება აქვს პირს, რომლის უმაღლეს საგანმანათლებლო დაწესებულებაში ჩარიცხვა განხორციელდება კანონმდებლობით დადგენილი წესით და ელექტრონულ პორტალზე მობილობის მსურველად რეგისტრაციის მომენტისათვის არის უმაღლესი საგანმანათლებლო დაწესებულების სტუდენტი.

2. მობილობის უფლება ასევე აქვს ამ მუხლის პირველი პუნქტით გათვალისწინებული პირს, რომლებსაც ელექტრონულ პორტალზე რეგისტრაციის მომენტისათვის შეჩერებული აქვს დაწესებულების სტუდენტის სტატუსი.
3. მობილობა შესაძლებელია განხორციელდეს უმაღლესი განათლების ერთი საფეხურის ფარგლებში. ამ პუნქტის მიზნებისათვის დიპლომირებული მედიკოსის/სტომატოლოგის/ ვეტერინარის საგანმანათლებლო პროგრამები განიხილება აკადემიური უმაღლესი განათლების პირველი საფეხურის საგანმანათლებლო პროგრამასთან თავსებადად. დაუშვებელია მობილობა პროფესიული უმაღლესი განათლების პროგრამიდან ბაკალავრიატის საგანმანათლებლო პროგრამაზე.
4. მობილობის უფლება სტუდენტს წარმოეშობა უმაღლესი განათლების შესაბამის საფეხურზე სწავლების ერთი წლის შემდეგ. სწავლების პერიოდში არ შედის ის დრო, რომლის განმავლობაშიც პირს შეჩერებული ჰქონდა სტუდენტის სტატუსი. თუ დაწესებულება ლიკვიდირებულ იქნა უფლებამონაცვლის განსაზღვრის გარეშე, დაწესებულებამ დაკარგა ავტორიზაცია ან საგანმანათლებლო პროგრამა აღარ ხორციელდება, სტუდენტს მობილობის უფლება წარმოეშობა სწავლის პერიოდის ხანგრძლივობის მიუხედავად.
5. მობილობის პროცესში მონაწილეობის უფლება აქვთ როგორც აკადემიური დავალიანების, ასევე ნულოვანი კრედიტის მქონე სტუდენტებს, თუ ისინი ჩართული არიან სასწავლო პროცესში.
6. სხვა უმაღლესი საგანმანათლებლო დაწესებულებიდან გადმოსვლის მსურველი უნდა დარეგისტრირდეს ელექტრონულ პორტალზე მობილობის მსურველად და შპს სასწავლო უნივერსიტეტ გეომედში სხვა საბუთებთან ერთად უნდა წარმოადგინოს სასწავლო ბარათის ბეჭდით დამოწმებული ასლი. უნივერსიტეტში ხდება სტუდენტის მიერ გავლილი სასწავლო კურსების შესაბამისობის დადგენა უნივერსიტეტის შესაბამის საგანმანათლებლო პროგრამასთან, კრედიტების აღიარება და სასწავლო სემესტრის განსაზღვრა. სტუდენტისათვის შეთავაზებული პირობები (კერძოდ, გადმოსვლის შემთხვევაში რომელ სემესტრში განაგრძობს სწავლას და რამდენი კრედიტით) წინასწარ ეცნობება სტუდენტს.
7. სტუდენტების მობილობა შესაძლებელია განხორციელდეს კალენდარული წლის განმავლობაში ორჯერ. დაწესებულების უფლებამოსილი ორგანოს ბრძანება სტუდენტის მობილობით ჩარიცხვის შესახებ გამოიცემა 1 ოქტომბრამდე შემოდგომის ან 1 მარტამდე გაზაფხულის სემესტრში. ბრძანება გამოცემიდან 7 დღის ვადაში იგზავნება ცენტრში და შესაბამის მობილობა აისახება რეესტრში.
8. მობილობის ფარგლებში სხვა უმაღლეს საგანმანათლებლო დაწესებულებაში გადასვლის მსურველი სტუდენტი მობილობის ვადებში განცხადებით მიმართავს ფაკულტეტის დეკანს შესაბამისი საბუთების ასლის მოთხოვნით.
9. მობილობის მსურველი, რომელიც დაწესებულების მიერ დადგენილ ვადაში არ მიმართავს განცხადებით მიმდებ დაწესებულებას ჩარიცხვის თაობაზე, კარგავს აღნიშნულ საგანმანათლებლო პროგრამაზე ჩარიცხვის უფლებას.

VI. შიდა მობილობა

1. შიდა მობილობა გულისხმობს სტუდენტის მიერ არჩეული აკადემიური პროგრამის შეცვლას დაწესებულების ფარგლებში.
2. შიდა მობილობა ცხადდება წელიწადში ორჯერ დაწესებულების მიერ დადგენილი წესის გათვალისწინებით. შიდა მობილობის პროცესის დასრულების შემდეგ უმაღლესი

საგანმანათლებლო დაწესებულება ვალდებულია შიდა მობილობის შედეგები ორი კვირის ვადაში მიაწოდოს სსიპ -განათლების ხარისხის განვითარების ეროვნულ ცენტრს.

3. შიდა მობილობაში მონაწილეობის უფლება აქვს შპს სასწავლო უნივერსიტეტ გეომედის ნებისმიერ სტუდენტს, მათ შორის სტატუს შეჩერებულს.

4. შიდა მობილობაში მონაწილეობის უფლება სტუდენტს წარმოეშობა უმაღლესი განათლების შესაბამის საფეხურზე სწავლების ერთი სემესტრის შემდეგ. სწავლის პერიოდში არ შედის ის დრო, რომლის განმავლობაში პირს შეჩერებული ჰქონდა სტუდენტის სტატუსი. დამატებითი სემესტრის სტუდენტს არ აქვს შიდა მობილობაში მონაწილეობის მიღების უფლება.

5. შიდა მობილობის პროცედურის დაწყების საფუძველია სტუდენტის განცხადება, რომლის საფუძველზეც დადგინდება სტუდენტის მიერ ათვისებული კრედიტების თავსებადობის საკითხი აღიარებისათვის და მზადდება შესაბამისი დასკვნა.

6. იმ შემთხვევაში თუ სტუდენტი თანახმაა სწავლა განაგრძოს შეთავაზებული პირობებით, შიდა მობილობის ფაქტი ფორმდება რექტორის ინდივიდუალური სამართლებრივი აქტით.

VII. გარიცხული/ამორიცხული სტუდენტის აღდგენის წესი

1. საქართველოს განათლებისა და მეცნიერების მინისტრის 2010 წლის 04 თებერვლის №10/ნ ბრძანებით დამტკიცებული „უმაღლესი საგანმანათლებლო დაწესებულებიდან სხვა უმაღლეს საგანმანათლებლო დაწესებულებაში გადასვლის წესის“ მე-10 მუხლის შესაბამისად, ამ წესის ძალაში შესვლამდე გარიცხული/ამორიცხული სტუდენტი განიხილება სტუდენტის სტატუსის შეჩერებულ პირად გარიცხვის/ამორიცხვის შესახებ ბრძანების გამოცემიდან ათი წლის განმავლობაში და ამ ვადაში უფლებამოსილია მიმართოს დაწესებულებას სტუდენტის სტატუსის აღდგენის თაობაზე ან ისარგებლოს მობილობის უფლებით, თუ გარიცხვის/ამორიცხვის საფუძველი არ არის ამ წესით დადგენილი სტუდენტის სტატუსის შეწყვეტის საფუძველი.

2. უმაღლეს საგანმანათლებლო დაწესებულებიდან გარიცხული სტუდენტის აღდგენის შემთხვევაში, სწავლის გაგრძელების დასაშვები ეტაპი განისაზღვრება მობილობის წესით სტუდენტის ჩარიცხვისათვის დადგენილი რეგულაციის შესაბამისად.

VIII. სწავლის საფასური

1. საგანმანათლებლო პროგრამის ღირებულება განისაზღვრება უნივერსიტეტის რექტორის ბრძანების საფუძველზე.

2. სწავლის საფასურის გადახდა ხდება სემესტრულად;

3. სახელმწიფო გრანტით ნაწილობრივი დაფინანსების მქონე სტუდენტებმა სახელმწიფო დაფინანსებისა და სწავლის საფასურს შორის სხვაობა უნდა დაფარონ ადმინისტრაციული რეგისტრაციისათვის დადგენილ ვადებში;

4. სტატუს შეჩერებული სტუდენტისათვის სწავლის გაგრძელების უფლების მინიჭების შემთხვევაში, სწავლის საფასური განისაზღვრება სწავლის გაგრძელების მომენტისათვის საგანმანათლებლო პროგრამის სწავლის საფასურის შესაბამისად.

IX. დამატებითი სემესტრის გავლა

1. ბაკალავრიატის სტუდენტს, საგანმანათლებლო პროგრამით განსაზღვრულ ვადებში კრედიტების დადგენილი რაოდენობის ვერ ათვისების შემთხვევაში, უფლება ეძლევა გააგრძელოს სწავლა მომდევნო, არაუმეტეს ოთხი დამატებითი სემესტრის განმავლობაში;
2. მაგისტრატურის, სტომატოლოგიისა და დიპლომირებული მედიკოსის ერთსაფეხურიანი უმაღლესი საგანმანათლებლო პროგრამის სტუდენტებს, საგანმანათლებლო პროგრამით განსაზღვრულ ვადებში კრედიტების დადგენილი რაოდენობის ვერ ათვისების შემთხვევაში, უფლება ეძლევათ გააგრძელოს სწავლა მომდევნო, არაუმეტეს ორი დამატებითი სემესტრის განმავლობაში;
3. დამატებითი სემესტრის სწავლის საფასური სტუდენტს განესაზღვრება ასათვისებელი კრედიტების შესაბამისად;
4. ერთი კრედიტის საფასურია: სწავლის საფასური გაყოფილი 60 კრედიტზე.

X. საგანმანათლებლო პროგრამის შეცვლის/მოდულიზაციის ან გაუქმების შემთხვევაში შესაბამისი პროგრამის სტუდენტების შემდგომი განათლებით უზრუნველყოფის მექანიზმი:

1. საგანმანათლებლო პროგრამის შეცვლის ან გაუქმების შემთხვევაში უნივერსიტეტისათვის მნიშვნელოვანია შესაბამისი პროგრამის სტუდენტების შემდგომი განათლებით უზრუნველყოფა;
2. საგანმანათლებლო პროგრამის მოდიფიკაციის ან გაუქმების შესახებ უნივერსიტეტის აკადემიური საბჭოს მიერ გადაწყვეტილების მიღების შემთხვევაში, შესაბამისი საგანმანათლებლო პროგრამის სტუდენტების შემდგომი განათლებით უზრუნველყოფის მიზნით, უნივერსიტეტი ვალდებულია:
 - ა) შესთავაზოს სტუდენტებს ისეთი საგანმანათლებლო პროგრამები, რომლებიც თავსებადი (რელევანტური) იქნება და მოხდება მაქსიმალური რაოდენობის კრედიტების აღიარება;
 - ბ) საჭიროების შემთხვევაში, ხარისხის უზრუნველყოფის სამსახური შეიმუშავეს ინდივიდუალურ სასწავლო გეგმას;
 - გ) უზრუნველყოს სტუდენტების ინფორმირება სხვა უმაღლესი საგანმანათლებლო დაწესებულებების მიერ მოქმედი თავსებადი საგანმანათლებლო პროგრამების შესახებ;
 - დ) გააცნოს სტუდენტს მოქმედი კანონმდებლობით გათვალისწინებული მობილობის წესი, ვადები და პირობები.

XI. სტუდენტის შეფასების სისტემა

1. სტუდენტთა ცოდნის შეფასებისას შპს სასწავლო უნივერსიტეტი გეომედი ხელმძღვანელობს კრედიტების ტრანსფერისა და დაგროვების ევროპული (ECTS) სისტემით; „უმაღლესი განათლების შესახებ“ საქართველოს კანონით და საქართველოს განათლებისა და მეცნიერების მინისტრის 2007 წლის 5 იანვრის N3 ბრძანებით დამტკიცებული „უმაღლესი საგანმანათლებლო პროგრამების კრედიტების გაანგარიშების წესით“ განსაზღვრული შეფასების სისტემით, რომელიც გულისხმობს:

❖ ხუთი სახის დადებით შეფასებას:

- (A) ფრიადი – მაქსიმალური შეფასების 91 –100 ქულა;
- (B) ძალიან კარგი – მაქსიმალური შეფასების 81–90 ქულა;
- (C) კარგი – მაქსიმალური შეფასების 71–80 ქულა;
- (D) დამაკმაყოფილებელი – მაქსიმალური შეფასების 61–70 ქულა;
- (E) საკმარისი – მაქსიმალური შეფასების 51–60 ქულა.

❖ ორი სახის უარყოფით შეფასებას:

- (FX) ვერ ჩააბარა – მაქსიმალური შეფასების 41–50 ქულა, რაც ნიშნავს, რომ სტუდენტს ჩასაბარებლად მეტი მუშაობა სჭირდება და ეძლევა დამოუკიდებელი მუშაობით დამატებით გამოცდაზე ერთხელ გასვლის უფლება.
- (F) ჩაიჭრა – მაქსიმალური შეფასების 40 ქულა და ნაკლები, რაც ნიშნავს, რომ სტუდენტის მიერ ჩატარებული სამუშაო არ არის საკმარისი და მას საგანი ახლიდან აქვს შესასწავლი.

2. სტუდენტის სემესტრულ შეფასებას განსაზღვრავს შუალედური შეფასებებისა და დასკვნითი გამოცდის ქულების ჯამი და შეადგენს 100 ქულას. კრედიტის მინიჭების წინაპირობაა სტუდენტის მიერ 100-დან 51 ქულის დაგროვება. სტუდენტის საბოლოო შეფასება განისაზღვრება მრავალი კომპონენტით, რომელთა რაოდენობა უნდა იყოს სულ მცირე სამი მაინც, რომელთაგანაც ერთი დასკვნითი გამოცდაა, რომლის ხვედრითი წილი არ უნდა აღემატებოდეს 40 ქულას. შეფასების კომპონენტების განსაზღვრისას ყურადღება უნდა მიექცეს საგნის სპეციფიკას. კომპონენტების ხვედრითი წილი ვარირებს თითოეული სასწავლო კურსის სპეციფიკის შესაბამისად. საგნის სპეციფიკის გათვალისწინებით შეფასების კომპონენტების ხვედრითი წილის საბოლოო განსაზღვრა წარმოადგენს საგნის წამყვანი პროფესორის ან ასოცირებული პროფესორის პასუხისმგებლობას ფაკულტეტთან შეთანხმებით.

3. შეფასების თითოეულ ფორმაში (შუალედური შეფასებები და დასკვნითი შეფასება) განისაზღვრება მინიმალური კომპეტენციის ზღვარი. დასკვნითი შეფასების მინიმალური კომპეტენციის ზღვრის ხვედრითი წილი არ უნდა აღემატებოდეს დასკვნითი შეფასების 60%-ს.

4. დასკვნით გამოცდაზე გასვლის უფლება ეძლევა სტუდენტს, რომელმაც გადალახა შუალედური შეფასებების მინიმალური კომპეტენციის ზღვარი (განისაზღვრება საგანმა-ნათლებლო პროგრამის შესაბამისად).

5. თუ შუალედური შეფასებებისა და დასკვნითი გამოცდის ქულათა ჯამი შეადგენს 41- 50 ქულას, სტუდენტს ეძლევა დამატებით გამოცდაზე ერთხელ გასვლის უფლება. იმ შემთხვევაში თუ შუალედური შეფასებებისა და დასკვნითი გამოცდის ქულათა ჯამი შეადგენს 40 და ნაკლებ ქულას, სტუდენტს საგანი ახლიდან აქვს შესასწავლი.

6. სტუდენტს უფლება აქვს დამატებითი გამოცდაზე გავიდეს იმავე სემესტრში, დასკვნითი გამოცდიდან არანაკლებ 5 დღის შემდეგ.

7. შუალედურ და დასკვნით გამოცდაზე დადგენილ ვადებში საპატიო მიზეზით არგამოცხადების შემთხვევაში გამოცდაზე დაშვების უფლებას განსაზღვრავს დეკანი პირადი განცხადების და შესაბამისი ცნობის საფუძველზე .

8. შესაძლებელია სტუდენტის მიერ მიღებული შეფასების გასაჩივრება: სტუდენტმა უნდა მიმართოს განცხადებით შესაბამის დეკანს. დეკანი ვალდებულია 3 სამუშაო დღეში განიხილოს პრობლემა სასწავლო კურსის განმახორციელებელთან და საგანმანათლებლო

პროგრამის ხელმძღვანელთან ერთად. მიიღებული გადაწყვეტილება შეფასების შეცვლა/შენარჩუნების თაობაზე ფორმდება შესაბამისი ოქმით და ეცნობება სტუდენტს იმავე დღეს.

9. სრული საგანმანათლებლო პროგრამის GPA-ს მაჩვენებელი განსაზღვრავს საგანმანათლებლო პროგრამის კურსდამთავრებულთა დიპლომის ხარისხს, კერძოდ თუ GPA ტოლია ან მეტი 3.6 გაიცემა წარჩინების, წინააღმდეგ შემთხვევაში ჩვეულებრივი დიპლომი.

სემესტრული GPA-ს 3.6 მქონე სტუდენტს დაენიშნება სტიპენდია.

სტუდენტის შეფასების საშუალო მაჩვენებლის (GPA) გამოთვლის წესი:

შეფასებების მიხედვით, GPA შეადგენს:

შეფასება	GPA
51-60 (E)	0.5
61-70 (D)	1
71-80 (C)	2
81-90 (B)	3
91-100 (A)	4

XII. ინდივიდუალური სასწავლო გეგმის განსაზღვრა

სტუდენტის დატვირთვა ერთი აკადემიური წლის განმავლობაში მოიცავს საშუალოდ 60 კრედიტს; უმაღლესი საგანმანათლებლო პროგრამის ან/და სტუდენტის ინდივიდუალური სასწავლო პროგრამის თავისებურებების გათვალისწინებით, დასაშვებია სტუდენტის წლიური დატვირთვა აღემატებოდეს 60 კრედიტს ან იყოს 60 კრედიტზე ნაკლები.

დაუშვებელია სტუდენტის წლიური დატვირთვა აღემატებოდეს 75 კრედიტს.

1. მობილობით გადმოსვლის შემთხვევაში ან აკადემიური ჩამორჩენის გამო ინდივიდუალური სასწავლო გეგმის შექმნის მიზნით სტუდენტს აქვს უფლება გაიაროს სასწავლო კურსი, რომელიც არ მიმდინარეობს მოცემულ სემესტრში;

ა) ასეთ შემთხვევაში სტუდენტი მიმართავს განცხადებით უნივერსიტეტის რექტორს აღნიშნული სასწავლო კურსის დანიშვნის შესახებ, სასწავლო სემესტრის დამთავრებიდან 1 კვირის ვადაში;

ბ) განცხადებები გადაეცემა შესაბამის დეკანატს რეაგირებისთვის;

გ) სტუდენტს დაენიშნება დამატებითი სასწავლო კურსი, მხოლოდ იმ შემთხვევაში თუ ამ კურსზე მსურველთა რაოდენობა არანაკლებია 5-8 სტუდენტისა;

დ) სტუდენტი ვალდებულია გადაიხადოს დამატებითი სასწავლო კურსის საფასური კრედიტების მიხედვით, სასწავლო კურსის დაწყებამდე.

2. სტუდენტს აქვს უფლება დამატებითი სასწავლო კურსები აიღოს ძირითადი სემესტრების მიმდინარეობისას, რაც არ უნდა აღემატებოდეს სემესტრში 8 და 7 კრედიტს (ჯამურად წლიური დამატებითი კრედიტების რაოდენობა 15).

3. სტუდენტს აქვს უფლება არდადეგების პერიოდში, სასწავლო წლის ბოლოს, აიღოს დამატებითი სასწავლო კურსები, რომელთა კრედიტების ჯამური რაოდენობა არ უნდა

აღმატებოდეს 12 კრედიტს, რომლისთვისაც განისაზღვრება 6-კვირიანი ვადა. მე-7 კვირას ჩატარდეს დასკვნითი გამოცდა და არანაკლებ 5 დღის შემდეგ დამატებითი გამოცდა.

XIII. აკადემიური ხარისხის მინიჭება და დიპლომი

1. საუნივერსიტეტო განათლების ცალკეული საფეხურის დასრულების შემდეგ კურსდამთავრებულს ენიჭება შესაბამისი აკადემიური ხარისხი (დიპლომირებული სტომატოლოგის, დიპლომირებული მედიკოსის, ბაკალავრის, მაგისტრის) უნივერსიტეტის შესაბამისი ფაკულტეტის წარდგინების საფუძველზე დადგენილი წესის თანახმად.
2. აკადემიურ ხარისხს ადასტურებს უნივერსიტეტის რექტორისა და ფაკულტეტის დეკანის მიერ ხელმოწერილი და უნივერსიტეტის ბეჭდით დამოწმებული დიპლომი, სტანდარტული დანართითურთ.